



Finansira  
Evropska unija

## Regionalni program lokalne demokratije na Zapadnom Balkanu 2 ReLOaD 2



u partnerstvu sa **Općinom Novo Sarajevo**

### Izveštaj o održanom četvrtom mentorskom sastanku u okviru Javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD) u općini Novo Sarajevo

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD)<sup>1</sup> u partnerstvu sa Općinom Novo Sarajevo, u petak, 1. decembra, 2023. godine u trajanju od 10.30 do 14.00 sati održan je četvrti mentorski sastanak za zainteresovane predstavnike/ce organizacija civilnog društva (OCD). Sastanku je, pored mentorice i predstavnice Općine Novo Sarajevo, prisustvovalo ukupno **dvanaest predstavnika/ica OCD iz 10 OCD-a (9 žena i 3 muškaraca)**. Većina prisutnih predstavnika OCDa donijeli su logičku matricu, plan rada i budžet na konsultacije s mentoricom.

Zaključci sa **četvrtе mentorske sesije** proizašli iz diskusije i komentara na pripremljenu projektnu dokumentaciju su sljedeći:

- Grantom koji se dodjeljuje u okviru ovog poziva mogu se finansirati **administrativni troškovi** (ljudski resursi, putovanja/ prevoz i kancelarijski troškovi) u maksimalnom **iznosu do 30%** od ukupnog budžeta. Iznos traženih sredstava za **kupovinu opreme** i rekonstrukciju ne može u kumulativnom iznosu prelaziti **30% od ukupnog budžeta**, dok iznos traženih sredstava za troškove **vidljivosti** u kumulativnom iznosu **ne može prelaziti 5%** od ukupne vrijednosti budžeta. Narušavanje bilo kog od ova tri pravila u budžetu projekta je eliminatornog karaktera.
- Jedna projektna intervencija treba da nedvojbeno pokrije najmanje jednu prioritetnu oblast javnog poziva. Projekat treba da je **sveobuhvatna jedinstvena akcija** koja rješava identifikovani problem korisnika. Mentorica je skrenula pažnju da je **projekat originalna akcija** i ne sadrži aktivnosti koje OCD svakodnevno obavlja ili bi obavljali i bez ovoga projekta.
- Za ovaj javni poziv dužina trajanja projekta može biti **od 6 do 10 mjeseci** (februar-novembar 2023). Početak projekta definiše aplikant (nije obavezno da projektna implementacija počne u februaru, ali je obavezno da se završi u novembru, uz uslov da je implementacija minimalno 6 mjeseci i da je kontinuirana akcija).
- Učesnicima je naglašen **eliminatorni kriterij: kapacitet organizacije** civilnog društva da može upravljati (sa tehničkog i finansijskog aspekta) predloženim prijedlogom projekta. Ukoliko je OCD do sada upravljala malim grantovima i nema značajnu referentnu listu implementiranih projekata tada bi trebalo da razmotri vrijednost projekta od 10 000 do 20 000 BAM za koji je potrebno skupiti najmanje 50 (od mogućih 100) bodova kako bi mogla biti razmatrana za finansijsku pomoć.

<sup>1</sup>Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih naroda (UNDP).



Finansira  
Evropska unija

## Regionalni program lokalne demokratije na Zapadnom Balkanu 2 ReLOaD 2



- Mentorica je savjetovala svim učesnicama da još jednom pogledaju Strategiju razvoja Novo Sarajevo i da obrate pažnju na prioritete oblasti koje su relevantne za njihove planirane projektne intervencije, kao i formulaciju **opšteg cilja** koji treba biti u skladu sa javnim pozivom, ciljevima prezentiranim u Strategiji ali i vizijom i misijom OCD-a.
- Preporuka je da projektna intervencija ima jedan krajnji **specifični cilj**, koji će se desiti na kraju projekta (održiva korist za ciljnu grupu).

**Rezultati** su ključna postignuća nastala kao proizvod projektnih aktivnosti. Kada se **isporuče rezultati** desit će se **specifični cilj projekta**.

**Aktivnosti** su konkretni zadaci ili radnje koje je potrebno izvršiti da bi se postigli željeni rezultati. Aktivnost se iskazuje u glagolu u infinitivu (kupiti, posaditi, organizirati, napisati, razviti priručnik, napraviti...).

Indikatori su unikatni i ne mogu se ponavljati tj. **dva cilja ne mogu imati isti indikator**.

**Polazište** je vrijednost indikatora u momentu kada se priprema prijedlog projekta.

**Peti sastanak sa mentoricom** će biti organizovan 5. decembra 2023. godine **od 10,30 sati u Velikoj sali Općinskog vijeća (zgrada Općine Novo Sarajevo, Zmaja od Bosne 55).**

Zainteresovani učesnici svoje prijave i termin za mentorsku sesiju mogu dostaviti na e-adresu: [lora.martic@undp.org](mailto:lora.martic@undp.org).